

扶安林氏派譜序

譜法蓋起於古之孝子也書父於父書祖於祖推至厥初而止焉其姓諱也性行也履歷也生卒也靡不備載一開卷愀然如復見已沒之父祖非孝之至孰能創是哉然族之近而遠者如尺之有寸而積寸至尺親而踈者如秤之有星而從星至秤若非譜則無以明一本而遠者愈遠無以敦九族而踈者愈踈終至於不稽世代若夏后殷后之無徵不知雍睦若南阮北阮之相訛如是而謂之族乎此三十年之不可無一譜者也顧我林氏刊譜已迫一世亦不無遠者

愈遠踈者愈踈之慮故不佞與一二同宗協議更譜
者有年矣事巨力綿不遑經畫而宗議僉同斷自今
春始克設役俾圖重新此吾門盛事也繼此以後尤
知其某祖之爲某也之祖某孫之爲某也之孫而此
爲叔彼爲侄人紀燦然甲爲兄乙爲弟天序昭然雖
鼻祖之遠而不遠耳孫之踈而不踈油然而孝悌之心
不只於眉山蘇氏矣譜其不之重乎歲壬申窮月吉
日也

後孫基善謹書

扶安林氏派譜序

林學士浮海東來東方之林寔其苗裔分爲數貫各

自名家而扶安氏其一也偉人達爵譜不絕善而西
河先生高蹈不市苑然爲師表爲子孫百世幟幟古
所謂至貴國爵屏焉者是耶吾先子序其譜嘗累致
意於先生其論氣節則曰吾見活虎風樁亦所謂關
盛衰而浩然者其論文章則曰蒼然古色方我盛際
作家宛然先秦之於兩漢至論其抱道不偶則以爲
根深者枝茂形大者聲宏必有嗣顯於子孫望之而
孫有純誠公稱輔節佐理功臣上柱國又有判事公
稱豐劔楚璧待價不售曾孫有典書公稱佐時奇略
蓋世巍勳則枝不可謂不茂聲不可謂不宏而猶有

望於久屈而大伸以林氏之守本分業文學爲兆朕
其所以致勉於林氏者蓋至矣相役於今日者又何
以加此第以所見於譜中者致私慨可乎謹按先生
遺蹟載一句詩曰科第由來收俊傑公卿誰肯薦非
才自夫奔競興而俊傑遺野非才盈廷馴致乎今岷
岷也吾願以此詩告于執政者使之回心而易慮則
今日事猶可爲也茲譜也雖林氏一家之私而未可
謂不有補於世路也林氏秀士永煥基台欽其門長
老之命而求爲序歲庚子陽復月幸州竒字萬謹書

扶安林氏族譜序

余嘗觀眉陽蘇氏族譜之序蓋族譜之義親親而不
忘本也上系藝祖之所自出下繼雲孫之所分派至
于百代以序昭穆而不忘同祖之義也則族譜之設
豈不重且大乎扶安林氏之淵源其來者久矣本以
中國之人從箕聖而東后孫諱季美封爲保安伯而
因爲保安林氏保安卽今扶安也其顯於麗朝官爵
之盛不可枚記而至于毅王之時諱春字耆之號西
河卽保安伯之六世孫也以文章節行卓立高蹈窮
居冰谷銖視軒冕塵視金玉不憂簞瓢之空而青春
三十白衣永終生爲當世之師宗沒爲後人之欽慕

有如埋獄之鉢而不遇雷煥之發蘊璞之玉不得和
氏之抱其非斯文之數窮而然歟其文不獨載於箕
雅而亦播於大東稗林者多矣然則先生之文章節
行奚與比富貴爵祿一時之盛哉子孫散在全羅忠
清兩道而公州扶安尤爲最多扶安卽橘之江淮也
玉之藍田也後孫貞秀袖示世系言公州扶安曾爲
合譜矣今以派多力略與本道諸宗謀爲重刊而求
余弁春之文辭以寡陋終不獲已略以識焉

崇禎紀元後四丙午仲春嘉善大夫工曹叅判兼同
知春秋館義禁府事原任奎章閣直閣吳取善序

扶安林氏派譜序

林氏有貫扶安者蓋自平澤分封也居湖西者最著
衍湖南不及焉然亦優保郡望矣兩湖舊嘗合譜以
族大力單而分編林生相皞所謂弁卷者湖南譜摯以
厥玄祖西河先生文集二冊正鎮昏墊不敢泚毫於
人家文字久矣此文此集是願閱而未得者試一開
卷古色蒼然方諸我

朝盛際作家宛然先秦之於兩漢也不釋手者累日
既卒業復諸生曰吾見異焉吾見活虎風檣矣是亦
所謂關盛衰而浩然者但使是集常傳吾不憂自家

之無青氈矣若夫紹明而張大之在乎其人爲林氏者盍亦知勉抑吾聞之文者氣之發也西河之文如是非氣之鍾能然乎其不大厥施年又不永何歟氣固有厚於材而奮於命者歟又聞根深者枝峻形大者聲宏以西河之富於才奮於命惟有顯於後爲可望而姑亦未及豈久屈將所以大伸歟吾聞爲林氏者頗能守本分棗文字此蓋餘祿之未艾也吾俟其將伸焉西河之孫有判事公會孫有典書公皆有聲蹟叙述已足故此略焉摯不可無答破戒書此云

庚戌十二月初一日幸州奇正鎮書

舊譜序

族譜何爲而作也憂世系之失其傳而作也蓋人之
得姓氏者上自鼻祖下及耳孫其本雖一其麗不億
則祖虎之所由始子孫之所由分非譜曷以得其詳
哉此譜之所以作而譜不可無者也雖然世道漸降
人心益詐不可無之中又有不可有之弊焉何者今
人之修譜也其姓同卑賤之人自耻世閥之無足稱
也敢希葦葦貫濫托非祖有如郭崇韜之拜汾陽墓南
塘畀之肩吳王恪承其不傳之緒而名分甚紊接其
未詳之系而倫紀大乖則此非作譜之意而不可有

者也然則譜固終不可無耶譜固終不可有耶今之君子苟能體不可無之義而修明之以實慮不可有之弊而釐正之無濫則向所謂不可有者又豈若不可無之爲得也哉惟我林氏居在興樂兩邑而世代寢遠文獻無徵自前傳來之牒只有草草別譜記其繼承之序而已內外本支多闕不詳官封生卒或略未備故不佞每欲博古探今以修未遑之典而事巨力綿有志未就矣荏苒之間年迫桑榆餘日無幾今又因循玩愒不圖重新則竊恐今日耳目之所可詳者將必愈久而愈不詳安知後之視今不如今之視

昔者乎茲敢不揆僭妄與一二同宗求聚各派所藏
之牒考證合載踰年而始克成編此吾門未有之盛
事也繼自今開是卷可知其某祖之分而為某也之
祖某孫之合而為某也之孫甲為兄乙為弟天秩昭
然此為叔彼為侄人紀燦焉雖百世之踈千里之遠
庶不至於路人看過也譜之作不其重矣乎若其通
遠近之派合諸家之譜以俟後日云

崇禎紀元後三巳未季春日後孫垞序

派譜重刊後序

夫族之有譜所以追遠裕後之道也祖先有美行而

後孫不爲繼述焉則是忘其先也子孫有至行而諸
族不能褒述焉則是非觀感之道也况是譜也書其
祖先之諱啣言行官爵生卒墳墓所以備後日之不
忘也述其後孫之分派族戚善行所以勉雲仍之敦
親戚而勵行檢也然則今日之修譜豈敢歇后也哉
嗚呼惟我林氏得姓以來世居中華仕于唐朝至若
忠節公之才德年才十八爲獻宗朝兵部侍郎又爲
翰林學士蓋忠竭誠被羣讒而東來始到平澤其後
孫諱季羨爲扶安伯故子孫遂籍焉及其前朝有諱
春號西河卽扶安伯之六世孫也文章節行卓立高

踏銖視軒冕自樂簞瓢爲當世之士林宗匠其文勢
如活虎風檣節操如埋釵蘊玉其與富貴爵祿一時
之盛不可同年而語也至于孫諱淑純誠功臣上柱
國其弟諱澤以判事轉爲大司成清白自守不求干
進與安晦軒李稼亭李益齋禹祭酒爲從遊可想其
高標矣純誠公之第三胤諱蘭秀官至典書退居江
湖遯世無悶其子諱穆官府使以清白見稱有獨樂
亭後有龍谷公之清儉顯著降及叔季有諱先範以
文學節儉薦爲顯陵叅奉有諱英號野隱智略卓
截孝奉兩庭有志榮養出宰藍浦有治蹟後遇昏朝

歸老田里諱蓋國有氣節投筆反武歷踐訓諫之職
諱再茂以節儉力行薦為縣宰及府使克承祖武其
後折桂登蓮不能枚記其後孫散在公燕及扶安與
興樂其麗不億今於修譜之日事巨力綿故不得為
大同之役而惟我興樂諸族寔是純誠公之後雲也
僉議會同別為派譜之役寔出於不獲已也不佞犬
馬之齒年迫八旬質又昏墊猥忝譜席雖無筆談之
可述而其在貽後之道不可無一言故上自鼻祖下
及耳孫德行之表著也文藝之富贍也無不備述至
於凡例譜規一從古規不尚疊架而只以節義孝友

等事爲吾家之青氈後之視今安知不如今之視
古也哉詩曰無忝爾祖聿修厥德此足爲今日準備
語也敢贅他辭乎凡我同譜之人勿謂我言耄修德
行業文學守吾分內事則此譜之序豈直小補於萬
一也哉歲庚子冬後孫 柏謹書

跋

范文正公曰顧吳中宗族甚盛於吾固有親踈之分苟吾祖宗視之均是子孫豈有親踈之異今吾獨享富貴而不恤宗族異日何以見祖宗於地下今何顏入家廟乎每讀此書未嘗不三復而興感也夫一祖之分而至於千孫則殆無異於路人而千孫之合而源於一祖則均是爲至情苟能以祖宗之心爲心則雖至百代之踈遠而若視一室之至親此譜所以上自鼻祖下至耳孫其昭穆之序寸行之數靡不備載開卷瞭然孝悌之心敦睦之意油然而生其所係豈

不重且大矣乎往在癸丑略修派譜南中諸宗太半
不與而何幸僉謀詢同諸宗合譜事巨力綿經年甫
就往者未同之憾始於是乎頓釋矣豈非盛事歟以
若無似猥忝有司之列謹叙其梗槩付之卷末焉

壬申季春上浣後孫基春敬跋

扶安林氏派譜卷之一

始祖

林季美

大廷崇祿
金紫光祿
大夫平章
事封平原
扶安君

二世

子元

嘉善大夫
行斌鏡道
觀察使

三世

子厚

資憲大夫
別將同正
行慶尚道
觀察使

四世

子彦

高麗 睿
宋朝文第
禮部侍郎
諫議大夫
國子大司
成與尹瓊
吳廷罷開
拓大鎮紀
其功績書
于黃州廳
壁文載興
地勝覽及
北閑誌碑
在咸鏡道

五世

子仲幹

睿宗朝奏定
門侍保勝
即將歷員
外郎廣評
郎中知樞
密院事判
三司事尚
書左僕射
平章事致
仕女真入
定州時公
與崔弘正
討平之事
在東國兵

六世

子宗庇

毅宗朝文第
翰林學士
有讚人表
句云落落
高姿崑崙
山上千金
難價之美
玉昂昂勁
節峨帽巔
西萬世不
長之孤松

子民庇